

устройение и над тѣми божия сущьства познанье. От твари бо, рече, творца ⁵³ познай и ⁵⁴ разумѣй: не качество, но ⁵⁵ величество и силу, славу же и благодать, юже творить собою ⁵⁶ угажая всѣм вышним и ⁵⁷ нижним, видимым и невидимым. Аще бо ⁵⁸ и нарицаешься Христос ⁵⁹ человѣком, то не образом, но притчею: ни единого бо подобья имѣть человѣка божия. Не сумнить бо ся писание и ангелы человѣкы нарицати, — но словомъ, а не подобиемъ. Аще бо блазнятся етери, слышаще Моисѣя глаголюща: Рече бог: Створим человѣка по образу нашему и ⁶⁰ подобью. — и прилагаются к бесплотному тѣлу, не имуще стойна разума, и есть си ересь и донынѣ человѣкообразно глаголющимъ бога, иже никакоже описается, ни мѣры качеству имать. Но си оставилъ, о первѣмъ възглаголю. И отходя в свой дом, — Кого, рече, оставилю [л. 234] стреци труда моего? Сия совпрашания — отца и сына и святаго духа не о твари, но о ⁶¹ владущимъ тварью, сирѣчъ о владыцѣ, ⁶² ему же въскотѣ предати землю и всяко дыхание поработити; не ангеломъ бо ⁶³ покори вселеную и прокая. Оставилю, рече, у врат хромца и с нимъ слѣпца. Что же есть хромецъ и слѣпецъ? Хромецъ есть тѣло человѣче, а слѣпецъ есть душа. Преже ⁶⁴ богъ создалъ тѣло Адамле безъдушно, потом же душю. По создании бо тѣла, глаголеть писание: И дуну на лице его духъ животен. Тѣмъ же тѣло безъ душа хромо ⁶⁵ есть и не наречеться человѣкъ, но трупъ. Смотри сдѣлъ и разумѣй отъ бытийскихъ книгъ. Створи богъ тѣло вънѣ рая и внесе въ едем, а не въ рай. Едем же речется — пища. Яко се кто бы ⁶⁶ на пиръ зовыѣ прѣжне уготоваетъ обильну пищу, ти потомъ приведеть званаго, — тако и богъ прѣжне уготоваетъ ему жилище едем, а не рай. Рай бо мѣсто есть свято, яко же ⁶⁷ церкви олтарь. Церкви бо всѣмъ входна. ⁶⁸ Та бо ⁶⁹ ны есть мати, ⁷⁰ поражающи вся крещениемъ и ⁷¹ питающи живущая въ ней нетрудно, одѣвающи же и веселящи вся вселшаяся въ ню. Глаголеть бо пророкъ: Се работающи церкви ясти [л. 234 об.] имуть и ⁷² насытятся. И паки: О, чада церковная, съсущи отъ сесціи тукъ и ⁷³ масть, помажете ⁷⁴ веселиемъ главы своя. И Давидъ: Упиються, рече, отъ обилья дому твоего и потокомъ пищи твоей напоиши я. И паки о одежи священникъ и оболчении мнихъ: Иерѣи твои, господи, облекутся въ правду и прочая. Мниху же: Соодѣлъ мя еси нужныя и ⁷⁵ нелѣпыя одежа и оболкъ мя въ спасение и препоясалъ мя ⁷⁶ еси веселиемъ. Въспойте же, рече, господеви пѣснь нову, — хваления въ церквяхъ преподобными его. И се явѣ есть: отъ клиросникъ ⁷⁷ епископа и отъ монастыря мнихъ. Вижъ, яко епископия и манастиръ — едем есть, сирѣчъ нетрудная жизнь; олтарь же свят, сирѣчъ едемъский рай, — неудобъ въходимъ, аще и врата незаключена ⁷⁸ имать. Тако бѣ посаженъ ⁷⁹ хромецъ съ слѣпцемъ у врат стреци внутренихъ, яко же ⁸⁰ приставлены суть патриарси, архиепископи, архимандрити межю церковью и олтаремъ стреци святыхъ тайн отъ врага Христовъ, сирѣчъ отъ еретикъ и зловѣрныхъ искусствникъ, ⁸¹ нечестивыхъ грѣхолюбецъ, ⁸² иновѣрныхъ скверникъ. Послушайте же со вниманиемъ, да по ряду бесѣдъ [л. 235] скажемъ, и вы со вниманиемъ смотрите. Аще бо и мутен имою ⁸³ умъ и языкъ грубъ, но вашихъ надѣяйся молитвахъ, прошу дара слову. Аще и недостоинъ есмъ о сихъ глаголати, но ползы ради послушающихъ пишемъ. Аще ли кто зла слуха имать, то ⁸⁴ не ищеть что бы ему ⁸⁵ на ползу обрѣсти, но зазираетъ, чимъ же бы насъ потязалъ и ⁸⁶ укарялъ. ⁸⁷

⁵³⁻⁵⁴ Нет ЧТ. ⁵⁵ Доб. и Ч. ⁵⁶ Нет Т. ⁵⁷ вышним и ЧТ; в ркп. вышни. ⁵⁸⁻⁵⁹ и нарицаешься Ч; в ркп. нарицаешь его. ⁶⁰ Доб. по ЧТ. ⁶¹ Нет Ч. ⁶² человѣцъ Т. ⁶³ бо ЧТ; в ркп. нет. ⁶⁴ Доб. бо ЧТ. ⁶⁵ мертвъ Т. ⁶⁶ вы Ч. ⁶⁷ Доб. се Т. ⁶⁸⁻⁶⁹ тако Ч. ⁷⁰ Доб. и Ч. ⁷¹ Нет Ч. ⁷² Нет Ч. ⁷³ Нет Ч. ⁷⁴ помажете Ч. ⁷⁵ Нет Ч. ⁷⁶ мя ЧТ; в ркп. ма. ⁷⁷ клиросник Т; в ркп. росник. ⁷⁸ неключена Ч. ⁷⁹ Доб. он ЧТ. ⁸⁰ Доб. се Т. ⁸¹ Доб. и ЧТ. ⁸² Доб. и ЧТ. ⁸³ имѣю ЧТ; в ркп. имѣй. ⁸⁴ той Т. ⁸⁵ Нет Ч. ⁸⁶ и ЧТ; в ркп. нет. ⁸⁷ Доб о помыслѣ грѣховнѣ ЧТ